

光緒吉林通志

吉林通志卷九十九

人物志二十八

國朝十三

喀喀木

布克沙

子貴復

圓喇

瓦爾喀

族人額德

布

吳孫

族子

胡錫

孫岱

朱希奇

佛尼塔

額棱特

察哈泰

兄穆爾泰

擴爾坤

野里渾

諸父阿福尼

弟

族人穆魯

賚圖庫

褚庫

興鼐

猶子黨愛

克宜福

子密齊蘭

鳴達渾

達理善

達都

和託

喀喀木姓薩哈爾察氏先世居烏喇部父唐阿禮

太祖時率百人來歸授佐領使轄之後隸滿洲鑲黃旗從征遼東有功予輕車都尉世職天聰八年從征瓦爾喀傷於熊以卒喀喀木襲崇德三年授吏部理事官五年隨承政索海征虎爾哈部力戰破其柵斬級二百擒索倫兵百三十人以歸七年隨征明松山坐本旗將領失律未察舉降世職爲騎都尉八年擢參政順治元年署副都統從入山海關督後隊擊敗流賊李

自成兼一雲騎尉時改參政爲侍郎仍任吏部四年
考滿復輕車都尉世職奉

命率師征鄖陽初大兵定湖廣鄖陽總兵王光恩迎降于原
官留鎮至是以罪繫其弟光泰糾眾叛據鄖陽稱明
鎮武伯連結叛黨賀珍武太定等爲援提督孫定遼
戰沒賊勢頗熾師至偕副將王平素渡河轉戰至房
縣斬級千餘光恩及僞總兵李世英等竄四川明年
叛鎮金聲桓自江西窺湖廣留防荊州六年還京明
年兼任本旗副都統三遇

恩詔晉男爵先是鄂爾多斯部札穆素多爾濟屯牧神木邊

外害我使臣叛去旣而札穆索梅罪來歸多爾濟竄匿賀蘭山數犯邊界肆劫掠八年秋奉

命同都統噶達渾等討之明年春自甯夏出水驛口至賀蘭山後分兵搜勦斬多爾濟及其第二人悉殲部眾俘幼弱及婦女並馬駝各數百牛千餘羊萬以歸夏授鎮守江甯總管十年

命爲靖南將軍移師廣東時李定國自廣西掠廣東潮州總兵郝尙久應之師至同靖南王耿繼茂進圍潮州克之尙久投井死潮州及附近州縣悉平還駐江甯十六年鄭成功陷鎮江據瓜州犯江甯與總督郎廷佐

提督管效忠禦之檄蘇松總兵梁化鳳等赴援會貴
州凱旋師東下要與協守議以敵勢盛宜乘其未集
先擊之簡兵出戰敗其初至者獲舟二十餘已而成
功悉兵薄城連營八十有三舳舻蔽江我援師旣集
化鳳效忠先以綠旗兵分出儀鳳鍾阜二門夾擊所
殪甚眾陳發其總統余新及總兵二敵氣奪次日乃
與貴州還師噶褚哈瑪爾賽出神策門敵據山列陳
分左右翼仰攻而自率精銳擣其中堅擒其提督甘
輝及總兵數人斬馘無算成功收潰眾遁我水師邀
擊之淹斃過半獲船五百餘而鎮江瓜州所屯亦遁

事

聞下部優敘尋部議陷鎮江瓜州罪

世祖以固守江甯功可抵

特旨免議康熙元年改江甯總管爲將軍仍以任之七年卒

子喇揚阿以例降襲一等輕車都尉兼一雲騎尉

布克沙姓瓜爾佳氏世居哈達隸滿洲鑲黃旗嘗以

護軍校駐防牛莊偵明兵所在因擊敗之崇德二年

從征明皮島乘舟偕參領鼇拜先登被

優賚擢護軍參領五年大軍圍明錦州刈其田禾敵出護以

十騎截擊敗之復擊卻杏山松山援兵又同都統圖

爾格等設伏敗敵追擊至河濱奪其虜獲馬十餘既而圖爾格與葉克舒戰敵方酣自右翼橫擊之連勝敵明年復圍錦州明經略洪承疇遣騎自杏山來犯戰卻之進破其步兵三營七年隨貝勒阿巴泰征明擊其總兵馬科於渾河岸敗之又擊走別將以三千人守渡口者遂趨山東略萊州攻克蒙陰沂水二縣明年凱旋累功授騎都尉世職

賜銀幣順治二年隨英親王阿濟格征流賊李自成自成走湖廣躡擊之連敗賊眾於安陸武昌復同都統都類逐北至九江富池口多獲賊船會奉

詔班師徑池州擊走明總兵黃蜚部眾獲船十有二明年隨豫親王多鐸征蘇尼特部騰機思貞布爾噶山有賊隨貝勒博和託掩之斬二十餘人又擊敗土謝圖汗及碩顏各汗兵以功並三遇

恩詔晉世職一等輕車都尉九年擢本旗蒙古副都統尋兼戶部侍郎明年以疾乞解任十四年卒子哈楚罕襲貴復其第三子也任侍衛兼佐領順治十六年雲南既定元江土司那嵩復叛從大軍討平之康熙十四年隨安親王岳樂征逆藩耿精忠師次江西敗賊符潭浦賊將李茂珠以萬餘人據建昌府南鐘鼓山力

職被創尋以創發卒於軍

即贈雲騎尉世職

圖喇姓舒穆祿氏璉春人隸滿洲正黃旗初任兵部
筆帖式崇德七年隨饒餘貝勒阿巴泰征明山東攻
泗水縣流矢中目戰愈厲進攻新泰諸縣仍爲諸軍
先順治元年隨豫親王多鐸征陝西明年移師江南
擢兵部主事七年積功兼兩遇

恩詔予騎都尉世職尋擢郎中十三年隨甯海大將軍伊爾
德征浙江舟山明魯王朱以海故將阮思以巨艦百
餘拒戰偕副都統根特擊敗之思復糾陳六御張洪

德等合兵三萬餘來犯備副都統柯永棻連破其眾
舟山平手足並傷於礮以功兼一雲騎尉十八年山
東土賊于七倡亂

聖祖命同郎中察奇至棲霞分別賊黨時于七據岠嵎山其
黨段忠續林萬鵬龐應奎高起英各擁眾數千分據
鼈山潛結棲霞城中爲內應獲其謀二人賊情悉得
會靖東將軍濟席哈率師抵萊陽遣使相聞疾調綠
旗兵七百馳至獲城中從賊者三百餘人進趨鼈山
忠續等望風遁多所俘獲還京擢大理寺少卿康熙
二年授駐防杭州副都統其冬與總督趙廷臣至定

海招降鄭錦之靜波將軍阮美及屬官百二十餘兵
三千七年擢杭州將軍十三年逆藩耿精忠叛

詔與總督李之芳提督塞白理相機禦之旋以都統賚塔爲

平南將軍赴衢州禦賊

命圖喇守杭州兼防海疆疏言兵少

詔移江南綠旗兵五千駐杭州又疏請杭州增設防禦每旗
各一員下部議從之尋以疾還京卒

賜祭葬如故事子明德襲

瓦爾喀世居完顏卽以爲氏隸滿洲鑲紅旗初任前
鋒校每臨陳爲諸軍先中創不退被

優賞屢矣崇德三年隨貝勒岳託入自牆子嶺越燕京趨山東攻海豐克之七年隨饒餘貝勒入自黃崖口轉戰至山東攻范縣攻具未至眾俟之以長槍破城垣爲磴先登克其城順治三年隨肅親王豪格征四川擊敗流賊張獻忠手殪二十餘人擒哨騎十我軍有阿納海者爲賊所圍擯刃幾及縱馬突入格殺二人援以出五年隨副都統烏拉禪駐防大名攻勦土賊於祁州及臨洺關積功並三遇

恩詔授輕車都尉世職九年擢工部理事官十三年董修
乾清宮成十五年

奉先殿成游晉世職一等明年署前鋒參領隨都統卓羅等駐防雲南元江土司那嵩旣降復叛督軍以雲梯攻

下其城康熙元年還京卽眞兼督捕理事官五年擢西安副都統七年擢將軍十二年吳三桂反

命偕副都統佛尼塔率西安軍馳赴四川扼險要明年

聖祖聞四川巡撫羅森提督鄭蛟鱗總兵譚洪吳之茂等並

反應三桂

詔瓦爾喀暨佛尼塔曰卿等久厯戎行諳練軍事朕可無西顧之憂大軍入蜀後吳逆所屬有來降附者宜密爲防閑至緣旗陷逆官兵相機招撫便宜行之師次漢中聞譚洪

據陽平關及野狐嶺四十餘里並有賊黨據險以守
部署諸將分三路擊之野狐嶺賊潰並殲伏賊無遺
乘勝疾趨陽平關克之擢鋒而前七盤關朝天關皆
不先後殪騎萬數獲旂械器械無算

聖祖嘉其功

命事平優敘時賊堅據保甯我軍距城十里鑿濠塹與相持
久之其秋卒於軍

賜祭葬如故事謚襄敏於墓道立碑十六年追論征保甯不
乘賊未設備疾進又不分兵扼要地致賊劫掠戕我
兵眾奏報不以實

聞應黜原官及世職追奪飾終典禮籍沒其家

詔免籍沒領德者其族人也天聰七年以驍騎校從征明旅

順口乘船先登與敵戰城下矢盡短兵接沒於陳

卹贈雲騎尉世職子赫爾索襲順治七年九年三遇

恩詔晉世職輕車都尉赫爾索子舍爾圖康熙二十年亦於
雲南戰沒例不得詳蘇布什吳孫亦並瓦爾喀族人
蘇布什順治元年從入山海關以功予雲騎尉世職

七年遇

恩詔晉世職騎都尉卒子懇赤襲順治五年從征江西叛鎮

金聲桓十一年從征廣東李定國並有功兼遇

恩詔晉世職輕車都尉吳孫順治二年以前鋒參領隨豫親王多鐸追流賊李自成至潼關連破賊營明年隨討叛酋騰機思並敗土謝圖汗兵累功兼三遇

恩詔授輕車都尉世職而瓦爾喀族子曰胡錫曰孫岱曰朱希奇胡錫順治十八年以驍騎校從征山東土賊有功康熙十三年隨定西將軍希爾根征逆藩耿精忠戰新城及萍鄉隨安親王岳樂征逆藩吳三桂戰長沙並有功俄以攻城戰沒

卹贈騎都尉世職兼諭前後戰功也孫岱初以佐領從征雲南廣東並有功康熙十三年從征逆藩吳三桂戰四

川盤龍山龍潭驛等處皆挺十五年從征叛鎮王輔
臣於秦州北山鹽關牡丹園數敗賊累功授騎都尉
世職厯官王府長史朱希奇天聰八年任佐領以材
子騎都尉世職從征察哈爾及朝鮮明錦州松山杏
山山東至入山海關並有戰功順治三年隨豫親王
多鐸討叛酋騰機思擊敗土謝圖汗等兵多所俘獲
游擢至

盛京副都統三遇

恩詔晉世職一等輕車都尉兼一雲騎尉西安副都統佛尼
塔繼瓦爾喀爲將軍自有傳

佛尼埒姓科奇理氏世居瓦爾喀父索勒和諾少孤其兄瑚里納撫之成立爲仇所害索勒和諾手刃其仇祭兄墓遂來歸

太宗尋滿洲鑲紅旗崇德七年以驍騎校隨饒餘貝勒阿巴泰征明攻河間府先登戰沒

卽贈雲騎尉世職佛尼埒襲從入山海關任西安駐防佐領順治元年流賊李自成餘黨竄陝西湖北山中數隨大軍勦之署營總尋擢協領再遇

恩詔晉世職至二等輕車都尉康熙八年擢西安副都統十三年四川巡撫羅森提督鄭蛟麟總兵譚洪吳之茂

等叛應逆藩吳三桂

命同西安將軍瓦爾喀進討師發漢中連克平陽七盤朝天
三關賊守保甯事具瓦爾喀傳明年代瓦爾喀加振
武將軍銜隨貝勒洞鄂討叛鎮王輔臣於秦州賊將
以眾四千立寨關山河岸以拒偕前鋒統領穆占進
戰闘兩時許斬獲甚眾遂破其寨逐北渭河橋薄秦
州賊以壁壘未立輕騎出犯遮擊之因克西二關賊
俟夜復出逆殲甚夥既而以眾數千出掠仙逸關冀
相牽制分兵援勦賊聞之卽踰山遁躡擊略盡留參
領嵩祝守關而自率兵趨隴州四川合平涼賊萬餘

援秦州城賊亦近萬將夾擊城下大軍卽還自隴州
反與大軍夾擊焉擒斬僞總兵李國棟胡茂白光永
王元殲賊三千遂復秦州下禮縣西河清水伏羌諸
邑尋奉

命以兵開機道援將軍錫卜臣於漢中賊拒長甯驛滴水崖
等處連擊潰之招撫陷賊各村寨十五年春吳之茂
糾賊萬餘犯秦州偕提督王進寶禦之斬二千餘級
擒僞總兵徐大仁獲輜重無算邀賊糧運於鹽關焚
之獲馬廄甚夥敗僞總兵李國良等於清水縣復靜
寧州復擊吳之茂於牡丹園之茂走西河北山追擊

之以十餘騎遁去明年追論前自保宵退歸諸將罪
降世職爲騎都尉削振武將軍銜仍署西安將軍事
十七年偕副都統吳丹等連敗賊眾於牛頭山香泉
等處進駐寶雞防棧道擊卻賊窺益門鎮者明年續
撫遠大將軍圖海取興安先驅至火神崖擊走僞總
兵王遇隆渡乾玉河拔梁河關遂復興安十九年偕
總兵王潮海招降潼州府及鹽亭中江射洪諸縣尋
敗賊豹子山賊渡江遁復瀘州冬逆孽吳世璠遣其
黨胡國柱入敘州陷永甯

詔授建威將軍勦之明年春賊眾二萬犯寶壩本溪口迎擊

敗之乘勝復馬湖府賊將宋國輔陸道清等詣軍門獻永甯府以降國柱棄敘州遁奉

命駐敘州尋

命統西安滿洲兵之征四川者還鎮漢中二十一年卒雍正十年入祀賢良祠乾隆元年追謚恭靖第三子託琉襲歷官黑龍江將軍次子額梭特自有傳

額梭特旣喪父四川總督哈占奏言貧不能還京請留西安效用下部議駁

詔自賦擾四川佛尼塔勤勞王事

特許之康熙二十三年補西安駐防佐領三十年厄魯特巴

圖爾額爾克濟農劫掠喀爾喀薩克丹津部眾
聖祖遣將軍尼雅翰往宣

詔旨使還所掠人畜率部眾徙居察哈爾地巴圖爾額爾克
濟農不從以其眾遠竄額梭特隨大軍追之不及擒
蒙古二人復隨將軍郎坦出嘉峪關追擒蒙古七人
三十五年

聖祖親征噶爾丹隨撫遠大將軍費揚古自西路進大敗賊
眾於昭莫多予雲騎尉世職擢協領四十二年

駕幸西安

閱武設宴

特召近

御座前

親賜之飲曰爾父宣力亦由戎行至協領故親賜酒以示寵
異尋擢西安副都統調荊州四十九年

特授湖廣提督

念其奉職清貧

詔湖廣總督巡撫量爲資助五十二年川陝總督殷泰以疾

乞解任

聖祖念其廉潔自持令在任調治久之未愈乃以湖廣總督

鄂海調補川陝授額棟特爲湖廣總督

詔大學士等曰額棟特殷恭皆朕所特用初時人不知其善後乃稱朕知人之明時江蘇巡撫張伯行亦以廉潔著爲

詔廷臣曰天下督撫惟額棟特張伯行操守最優耳尋

命與戶部郎中幹璋泰履勘湖南諸州廢壞四萬六千一百

餘頃疏請聽民墾闢六年後科以下則從之五十四

年山西太原府知府趙鳳詔貪墨不職奉

詔往勘得實疏言枉法受賊例應繯首但鳳詔左都御史趙

申喬子受恩深重法應加等擬監候斬九卿議改立
決明年

命署西安將軍同總督鄂海協理軍餉先是厄魯特策妄阿

拉布坦率眾犯哈密

聖祖命尙書富爾安等往勦會駐防哈密遊擊潘志喜等擊走之於是領兵大臣等議先取烏梁海土魯番諸部而後進征厄魯特其冬策妄阿拉布坦由噶頤汎界山後過沙拉勒青海台吉羅卜藏丹濟布而遁

聖祖慮賊由噶斯口復犯青海

詔額額特統重兵移駐西甯爲青海諸部應援明年

命往巴里坤與將軍富爾安會議掩擊準噶爾邊界及留後接應事宜富爾安以策妄阿拉布坦令宰桑領賊眾

由阿里克路迤西潛去入告

命回駐西甯且

遣侍衛諾爾布等至青海令諸台吉協力禦賊

詔之曰將軍額棱特方略過人凡有聞見其合議以行既而

青海親王羅卜藏丹津疏言策妄阿拉布坦遣所屬

策凌敦多布往掠西藏欲滅拉藏汗

命與內大臣策妄諾爾布移師青海防剽掠復

敕西甯松潘各路備兵爲拉藏汗救援別

詔與青海親王及台吉等擇形勝地屯軍疏陳西甯抵藏之

路有三惟庫庫賽爾嶺及拜都嶺二路較珠爾肯一

路寬廣易行請與侍衛色棱分道以進賊若一路來

拒我師別由閒道直入藏地抄擊若二路來拒則其勢既分亦無難於翦滅

詔與策妄諾爾布審議以行五十七年拉藏汗爲賊戕於布達喇城執汗子蘇爾咱據有其地西藏人來歸者悉與安撫遂偕色梭分路進大軍自穆魯斯烏蘇起行至圖勒哈以皮船濟取道庫庫賽爾嶺秋抵齊諾郭勒賊眾夜窺我營遣遊擊王汝載擊敗之次日復由東路來犯自率諸軍迎戰自寅至巳賊潰遁逐北十餘里斬獲甚夥得

旨額棟特領兵頗少徑抵絕域忠勇奮發大挫賊鋒非尋常

軍功可比云尋聞賊首札布齊等以眾數千潛由哈喇烏
蘇來拒亟卒所部將渡河扼狼拉嶺之險比至哈喇
烏蘇色棱亦以兵來會遂夾擊之連敗賊眾賊復集
眾數萬環而攻我身先督戰被數創氣不少衰相持
月餘賊益增而我軍無繼至凡月屬所部誓之曰守
亦死退亦死等死也何如戰於是傾壘以出所射殪
無算矢盡揮刀斫賊賊虜至復被數創遂沒於陳明
年覩還京

命親王及貝子等迎喪城外復
遣內大臣侍衛至其家奠茶酒雍正元年

世宗特命敘功予輕車都尉

賜祭葬如典禮諡曰忠勇入祀昭忠祠子愛山襲初額棟特繼佛尼塔爲西安將軍二十年餘父子相嬗天下莫不榮之而受知

聖祖亦於是西藏之役孤軍轉戰萬里而遙有進死無退生殆所以報嗚呼不亦相得益彰哉

察哈泰姓薩克達氏甯古塔人隸滿洲鑲紅旗天聰時從征明永平大凌河大同等處積功以驍騎校管佐領事崇德元年大軍征朝鮮先驅敗敵納穆山三年隨貝勒岳託征明越燕京趨山東攻濟南府克之

六年從圍明錦州擊敗松山援兵八年隨鄭親王濟爾哈朗取明前屯衛中後所二城順治元年隨豫親王多鐸追流賊李自成破之濱關進定西安移師江南監造戰艦三年隨端重親王博洛征福建五年隨征南大將軍譚泰討叛鎮金聲桓於江西擊敗賊眾迎戰者焚其戰艦進軍南昌數戰皆捷明年隨護軍統領敦拜勦獻縣雄縣任邱諸土賊平之還擢戶部理事官尋改太僕寺理事官論功兼遇

恩詔授輕車都尉世職十四年任參領兼太僕寺卿十六年擢本旗滿洲副都統奉

命同甯古塔總管巴海征俄羅斯至使大部界以舟師設伏擊敗敵眾獲其船及器械招降斐雅喀百二十戶十八年追論征俄羅斯時我戰艦有失利者不以實聞罷任褫世職專管佐領事尋以營總隨靖東將軍濟席哈討山東土賊于七同護軍統領通嘉連敗賊黨呂思曲俞三等進擣岠嵎山賊巢平之康熙三年授本旗蒙古副都統十年以老乞休

聖祖慰留之明年調滿洲副都統十二年遷護軍統領夏詔獎久著勞績諸大臣加太子少保明年授鎮東將軍駐防

兗州十四年

命統所部滿洲軍赴荊州隨順承郡王勒爾錦禦逆藩吳三桂明年春賊將陶繼智等犯宜昌率兵駐江陵通聲援秋七月卒於軍

賜祭葬如故事而察哈泰兄副都統穆爾泰順治十五年亦從征貴州卒於軍先是父喀爾岱

國初率二子及其屬來歸授佐領天聰八年從征瓦爾喀有功駐守海州尋移守甯古塔卒穆爾泰以次襲管佐領順治二年從征陝西擊流賊李自成黨賀珍敗之進遇仙潰賊數百所部僅七十人與戰悉殲之擢前鋒侍衛尋署護軍統領戰山西潞安陝西肅州

以功兼遇

恩詔子騎都尉世職擢副都統卒貴州軍

賜祭葬如故事擴爾坤則察哈泰族人也自有傳

擴爾坤祖葉占德

太祖時率戶口來歸授佐領隸滿洲鑲紅旗卒父喜福任兵
部理事官崇德八年隨副都統鄂爾塞臣征黑龍江
攻降圖呼爾禪城順治三年隨都統巴哈納擊敗賀
珍於漢中六年從征叛鎮姜瓖與賊黨戰宥武關及
左衛中創戰益厲論功初以考滿予雲騎尉世職至
是兼兩遇

恩詔晉世職輕車都尉尋以創發卒十五年

卹晉世職二等以擴爾坤長子希特哈襲旋卒以次子佛倫雅圖襲又卒於是擴爾坤以參領襲二等輕車都尉

初任佐領從征貴州敗明桂王朱由柳將李成蛟於涼水井又擊其晉王李定國於雙河口走之擢護軍參領康熙十二年吳三桂反擢本旗副都統

命率兵駐防太原明年移西安尋以四川告警

詔進駐漢中夏同副都統吳國楨會總督周有德軍於廣元援應我軍之攻保甯者叛鎮吳之茂自昭化出犯廣

元遣軍擊敗之秋復以眾五千餘由廣元西南水陸

兩路來犯分兵迎擊卻去尋要擊劫糧賊眾於二郎
關擒僞都司賀騰龍冬僞將軍何德成復以眾四千
犯廣元渡河擊敗之逐北三十餘里俄七盤朝天諸

關復爲賊據

詔廣元兵還漢中十四年秋漢中餉乏將軍錫卜臣領兵還
城固縣擴爾坤以右翼四旗軍殿後僞總兵彭時亨
擁眾八千扼險以要我軍力擊之賊旣散復聚且戰
且行三晝夜次洋縣之金水河七接皆勝前軍已出
險猶殷拒追賊賊益眾環逼中數創力盡殞焉

賜祭葬如典禮

卹贈騎都尉兼一雲騎尉合舊襲二等輕車都尉爲男爵子

遜塔齊襲

舒里渾姓棟鄂氏先世居瓦爾喀祖喀喇

太祖時率族來歸授佐領後隸滿洲正黃旗數立戰功

賜號札爾固齊天命四年禦明總兵劉經被七創戰益厲旣

勝而創發以卒順治十二年追謚恭襄父札福尼天

聰四年從征明灤州我軍三人被執獨馬陷陳奪之

還敵不可逼以功予騎都尉世職八年從征黑龍江

有功兼一雲騎尉崇德八年卒舒里渾襲初任護軍

校天聰五年從征大凌河城內蒙古兵出戰擊卻之

順治二年隨英親王阿格濟追討流賊李自成至延安七戰皆捷自成遁湖廣躡之安陸獲賊船十有四
明年蘇尼特部騰機思叛隨豫親王多鐸征之斬獲
無算復擊敗土謝圖汗碩類汗等兵師還授佐領六
年隨端重親王博洛征大同叛鎮姜瓖擊僞巡撫姜
建勳敗之十一年擢護軍參領十五年擢本旗滿洲
副都統隨信郡王多尼征雲南擊明桂王朱由榔將
李成蛟於涼水井敗之追至雙河口敗其晉王李定
國兵凱旋十八年卒累功兼遇

恩詔晉男爵矣子穆里渾襲而諸父及羣從亦多以功名顯

云阿福尼者喀喇次子札福尼弟也勇敢有父風襲
世管佐領從征戰有功擢護軍參領崇德六年隨大
軍與明經略洪承疇戰錦州被

優賚旋以誣斥仍奪所賚明年承疇降

太宗與論用兵大略且問六年錦州戰狀對曰是時兩軍既
交八旗兵猝進陷圍中有黃甲騎花馬者舞稍突入
銳不可當師所以得出此人力也

太宗令將士與是戰者仍當時甲馬俾承疇物色之至阿福
尼日卽若人

太宗大喜召入

御前日前罷職甚非其罪遂復官仍以嚮所賚

賚之尋卒洛多懼者舒里渾弟也天聰七年隨貝勒岳託征

明旅順口下其城崇德六年從圍明錦州敗其援兵

明年隨貝勒阿巴泰攻明順德府先登克之

賜號巴圖魯積前功授輕車都尉世職三遇

恩詔晉世職一等兼一雲騎尉順治十七年卒無予以弟崆

古圖製崆古圖初以護軍校隨靖南將軍陳泰征福

建先登克興化城擢參領康熙十三年隨副都統雅

賴阿克尼征逆藩耿精忠自安慶趨江西破賊小孤

山復彭澤宜黃崇仁樂安等縣十五年移師征逆藩

吳三桂擊賊將夏相國於萍鄉敗之進趨湖南十八年敗賊將吳國貴於楓木嶺復武岡州尋還京二十四年卒子多博海襲而舒里渾族人穆魯康熙十三年以筆帖式從經略莫洛征吳三桂次陝西甯羌州值王輔臣之變與莫洛並遇害

卹贈雲騎尉世職

資圖庫姓顏札氏世居葉赫父安達哩

太祖時來歸予騎都尉世職後隸滿洲正黃旗數從

太宗征明積功晉世職輕車都尉

太宗上賓感念

恩知號呼累日以殉

世祖追晉男爵世襲罔替以資圖庫襲資圖庫初任侍衛天
聰五年從

太宗征明圍大凌河城偕佐領尼塔哈略地錦州敵兵數千
突出城搏戰并力敗之復偕破明監軍道張春兵崇
德元年從征朝鮮途遇敵騎千餘與諸將逆擊卻去
三年隨貝勒岳託征明至通州敵瀕河列營偕佐領
瑚彌色擊敗其眾進趨山東至濟南府敵兵來戰率
所部爲軍鋒多所斬獲師旋破臨清城西敵營六年
從征松山明經略洪承疇集兵十餘萬以拒我軍其

總兵曹變蛟乘夜直犯

御營力禦之手斬其前鋒餘眾遁尋隨鄭親王濟爾哈朗敗杏山敵兵斬馘甚眾又設伏高橋敵以夜來犯擊卻之手斬騎兵二人射殪五人擒二人順治元年從入山海關擊敗流賊李自成累功並再遇

恩詔晉爵一等子九年

世祖追念賚圖庫父安達哩忠誠殉

主也

特命立碑墓道擢賚圖庫列議政大臣尋擢內大臣兼佐領

康熙十二年

詔獎久著勞績諸大臣加太子少保二十二年卒

賜祭葬如故事孫錫喇襲

褚庫姓薩爾圖氏先世居札魯特祖柏德遷居葉赫遂爲葉赫人隸滿洲鑲黃旗天聰五年年十七從大軍圍明大凌河城有蒙古驍將徹濟格自矜其勇獨馬突陳迎擊之手擒以歸尋征明大同攻萬全左衛先登被創卒力戰下之以功予騎都尉世職

賜號巴圖魯授佐領兼任吏部理事官順治元年隨英親王阿濟格追討流賊李自成師至湖廣賊將吳伯益以眾三千拒戰先驅擊敗之三年隨肅親王豪格征流

賊張獻忠同尙書星訥敗賊將高汝礪等於陝西進
軍四川復數敗賊兵六年隨大軍征叛鎮姜瓊圍大
同僞總兵楊振威以賊眾犯正紅旗並擾土默特營
連擊卻之復犯鑲藍旗同護軍參領瑚葉拔之以步
戰敗賊眾賊平還京值宿失印鑰解理事官佐領兼
參領如故九年隨都統噶達渾征鄂爾多斯部叛酋
多爾濟於賀蘭山俘獲甚眾累功兼遇

恩詔晉世職二等輕車都尉十三年鄭成功犯福州時鄭親
王世子濟度統師至漳州

命同副都統阿克善率兵往援敵以戰船二百自烏龍江來

犯以本翼兵乘舟擊敗之遂至大江口獲船十二
俄以千餘人要戰於江岸舍舟奮擊斬級二百餘康
熙二年擢正紅旗蒙古副都統諭功晉世職一等七
年以老乞解任十四年卒

賜祭葬如故事諡曰襄壯子海存襲

興鼐姓納喇氏世居哈達父蘇巴海當

太祖時率二百人來歸會編佐領令其長子莽果轄之後隸
滿洲鑲白旗蘇巴海仕至都察院參政興鼐其第三
子也初任工部理事官天聰八年受知

太宗子騎都尉世職崇德元年隨英親王阿濟格征明同都

統達爾罕攻順義縣先登克之以功兼一雲騎尉三年考滿晉世職輕車都尉順治元年從征流賊李自成於陝西賊眾自延安出犯要擊大敗之明年追擊於武昌躡至富池口獲其船賊眾營河岸以拒同護軍統領哈甯阿參領希爾根擊潰其眾凱旋道出池州府明總兵黃斐以舟師拒戰同護軍參領布克沙擊走之斬級二百餘獲船十二蘇尼特部騰機思叛奔喀爾喀三年隨豫親王多鐸追討道敗土謝圖汗及額類汗兵以功晉世職二等七年擢工部侍郎尋以考滿及監造勤勞並三廩

恩詔晉爵二等男十五年以會勘出征福建將士於羅源縣
敗遁事徇情定獻龍任鑄世爵十八年

聖祖卽位以興鼐處分過重復予一等輕車都尉世職兼一
雲騎尉康熙三年卒子成格襲猶子黨愛康熙十九
年以六品典儀從征雲南破賊將何繼祖於石門坎
黃草壩尋會師雲南城下大破賊將胡國柄等以功
予騎都尉世職擢護軍參領三十四年由蒙古副都
統調右衛副都統嚴兵守歸化城噶爾丹不敢逼尋
隨撫遠大將軍費揚古山西路勦之敗賊有功兼一

雲騎尉卒

克宜福姓伊爾根覺羅氏先世居瓦爾喀父赫臣

太祖時率屬來歸俾任佐領轄之後隸滿洲正黃旗從征烏喇有功使葉赫抗節不屈爲所害葉赫尋滅

太祖令克宜福手刃仇人以祭毅晉佐領天聰四年爲捉生將兩敗明兵手擒四人獲馬十有八八年予騎都尉

世職世襲罔替崇德二年授吏部副理事官六年隨

鄭親王濟爾哈朗圍明錦州其東關有蒙古諾木齊等謀內應敵覺而圍攻焉亟以軍突入拔木齊等並護其家口來歸被

優賚順治二年授

福陵總管兩遇

恩詔晉世職輕車都尉尋卒次子喀齊蘭初由前鋒校繼管
佐領授吏部理事官十三年隨甯海大將軍伊爾德
征明魯王朱以海餘黨於舟山數戰皆捷凱旋擢謾
軍參領十三年改前鋒參領隨順承郡王勒爾錦討
逆藩吳三桂十三年大軍自荊州渡江克松滋縣旋
以前鋒軍薄澧州城賊迎戰力擊敗之遂北至江岸
遂降其城師還擢本旗蒙古副都統二十一年調滿
洲副都統二十四年以疾乞罷

命原品政仕三十八年卒

賜祭葬如故事子凱音布襲祖克宜福輕車都尉世職仕至

禮部尙書

噶達渾姓納喇氏世居哈達

太祖時有約蘭者率子懋巴里等來歸後隸滿洲正紅旗噶達渾其裔孫也初任護軍參領天聰二年從

太宗征多羅特部有功八年從征明山西克應州城

賜人戶牲畜崇德五年從略明中後所有斬獲尋隨睿親王多爾袞圍錦州擁纛先進敗杏山騎兵旋往松山要敵斬十餘人敵據嶺列營擊潰之同前鋒統領勞薩合兵追抵北山乃還七年隨豫親王多鐸征明甯遠

先諸將擊走敵兵師還我軍有達哈塔者中創仆自
敵陳披以歸敵不敢逼順治元年擢護軍統領從入
山海關破流賊李自成予騎都尉世職明年隨英親
王阿濟格擊流賊至九宮山三戰皆捷三年隨肅親
王豪格征四川師至西安分兵趨邠州賊渠胡敬德
營三水縣與副都統和託力攻破之尋與護軍統領
蘇拜哈爾阿副都統阿拉善擊賊高汝礪武大定於
三寨山敗之我步軍搜山賊自山巔分左右馳下與
護軍統領阿爾津逆戰再敗賊眾賊復犯我正藍旗
營哈爾阿被圍偕阿爾津蘇拜疾馳擊之賊解圍去

旋破賊於增蓋擢戶部侍郎五年調吏部論前戰功
晉世職輕車都尉其冬

命與阿拉善率八旗兵赴英親王軍討大同叛鎮姜瓖旣至
七戰七勝賊自代州北竄遣追斬無算遂平代州進
復渾源州明年擢本旗蒙古副都統仍任戶部侍郎
七年以從睿親王行圍私出射獵罷都統降世職爲
騎都尉兼一雲騎尉

世祖親政擢戶部尙書明年訟鑄職寃

詔復之晉二等改都察院左都御史駐防河間佐領碩爾對
評戶部給餉不均下部鞫訊隱匿不奏坐削世職得

旨改罰銕其夏復調戶部尙書

命率師征鄂爾多斯部九年擒叛首蒙古多爾濟並殲其眾
於賀蘭山兩遇

恩詔晉男爵世襲罔替調滿洲都統十二年調兵部尙書明
年晉爵二等秋以濫引

赦例請貸行賄雲騎尉呂忠罪

飭回奏奏復精遲下廷臣議坐削爵得

旨降一等輕車都尉會鄭成功肆海上陷福州

命同定遠大將軍世子濟度等往討

敕世子曰凡調遣機宜勿令噶達渾離左右也旣至會總督

李率泰等兵復海澄分遣諸將水陸並進克福州及泉州攻惠安海港衛奏與閩安鎮陳斬數千級獲戰艦軍械甚夥成功遁入海十三年春班師道卒

賜祭葬如典禮贈太子太保謚壯敏子噶爾漢襲噶達渾長
兵部員以京城遼闊明嘗設信礮煤山以備倉卒

定鼎後罷弗設請用

盛京時鳴鼓集眾之法

詔塔山九門仍各設礮鳴呼

聖慮蓋深遠矣金城湯池無備亦危茲制非內訌僅禦虔劉
於外亦足掎之有堂斯構尙毋忽不不基哉

達理善姓那穆都魯氏卽所居地也隸滿洲正黃旗
崇德三年以閒散隸驍騎營隨睿親王多爾袞征明
越燕京趨山東攻濟南府先登克之

賜號巴圖魯授輕車都尉世職六年從大軍圍明錦州其經
略洪承疇遣兵自松山杏山來援連敗之順治元年
定鼎燕京隨都統葉臣征山西克太原府明年隨副都統珠
瑪喇和託等駐防杭州明大學士馬士英與總兵方
國安自嚴州來犯偕諸將擊走之又數敗之朱村范
村及餘杭臨安富陽五年金聲桓反江西隨征南大
將軍譚泰討之復南昌七年九年三遇

恩詔晉世職一等兼一雲騎尉十三年任參領十五年隨信
都王多尼征雲南明年明桂王朱由榔故將高應鳳
結元江土司那嵩據城抗大軍偕都統卓羅前鋒統
領白爾赫圖攻下其城斬應鳳那嵩亦死康熙二年
論功晉男爵尋以老乞休十三年陝西提督王輔臣
反宵羌請往軍前效力

命署副都統率兵赴西安明年春次隴州仙遙關時輔臣據
平涼遣僞總兵高鼎蔡元率步騎四千迎拒於關山
河岸偕將軍佛尼塔前鋒統領穆占與戰大破之逐
北五十餘里復關山關進師清水縣去渭水橋二十

里遇賊哨騎擊之敗去乘勝奪其橋抵秦州城賊二
千出戰皆敗復入城分兵攻東關克之四川叛鎮吳
之茂以賊萬餘援平涼逼秦州而壁城賊八千出與
合猛犯我營會已病強起督諸軍力戰賊眾大潰俄
病篤卒於軍

賜祭葬如故事謚曰武毅二十五年誨陝西功兵部以紀功
二十六例不晉職

特旨達理善以解任復請從征立功卒於軍殊可閔念不拘
定例給一世職於是子雲騎尉合晉爲二等男孫留占襲
任一等侍衛兼冠軍使以不職議銷去

恩詔所加改一等輕車都尉另襲

詔達理善已經致仕復著成勞免其銷去以留占弟代奇里
襲二等男其族人達都不知與達理善遠近自有傳

達都隸滿洲鑲白旗順治四年由筆帖式授吏部副
理事官八年遇

恩詔予騎都尉世職疏陳御史張嘉言事不當嘉錫級夏擢
郎中十三年河西務鈔關員外郎朱世德虧課萬餘
兩照戶部議援

恩赦免罪吏部諸臣並坐贍徇達都削世職降員外郎十八
年遷刑部郎中康熙二年署參領隨都統穆里瑪討

流賊餘黨李來亨等於湖廣茅麓山明年師旋坐初
領隊失利等罪應褫責籍沒得

旨免籍沒披甲軍前效力六年起刑部郎中八年遷光祿寺

卿擢秘書院學士充

世祖實錄副總裁明年改

保和殿學士兼禮部侍郎充

經筵講官明年

實錄成增級食一品俸尋擢戶部右侍郎十三年大軍討逆

藩耿精忠

命往浙江督餉文武官布政使副將以下俱聽節制鑄給總

理大兵糧餉兼管地方兵馬一切事務印秋疏言浙
省舊設杭嚴巡道嘉湖守道金衢守道各轄二府康
熙六年裁併杭嘉湖爲一道金衢嚴爲一道所以節
冗費今大兵雲集一道管理三府未能兼顧請如舊
以便料理錢糧軍務下部議如所謂冬疏言原任建
甯府通判何源濬前以朝覲回閩今年三月道出浦
城縣聞耿逆之變已陷建甯從役勑姑往投收集家
口斥而不從徒步七日行千二百餘里至杭州請兵
棄妻子於賊巢不顧其忠貞可嘉經巡撫田逢吉疏
聞部議暫留浙江省俟福建恢復仍赴原任今羈棲半載無任

可赴無俸可支請與敘用得

旨何源濬情殊可閔下部從優議敘以浙省知府擢用逢吉
尋因病解任

詔授達都浙江巡撫疏言巡撫事繁責重浙江省又當用兵之
際臣才識未裕精神已衰自揣難勝厥任現署巡撫
之布政使陳秉直年壯才優民所悅服乞

敕部補授下部議不准

特旨允秉直陞補仍

命以原銜理餉明年疏言大軍分道進剿恢復可期催辦糧
料綏輯流民均惟道府是賴請以留浙效用僉事姚

啓聖補溫處道通判王國泰補溫州知府運判線一
信補處州知府

詔從之其後諸人皆顯而啓聖以平臺灣爲時名臣世以爲有知人鑑云又疏請以勤勞最著經厯許嗣華縣丞鄭廷俊等二十餘員分補廳縣正任官下部議如所請秋疏言滿漢官兵俸餉月需銀二十萬兩本年鹽課曾奏准按季征解難供急需請就近撥給濟軍部議撥長蘆鹽課山東地丁各十萬兩後大軍入閩又奏撥江南庫銀四十萬兩十六年大軍由閩進粵與副都統沃申駐湖州明年鄭錦犯海澄將軍賚塔赴

援其黨楊金日由鼈頭聯船犯圓山與總兵馬三奇
遣軍禦之多所斬獲追至寮口乃還十八年

召補戶部右侍郎冬至京

聖祖詢賊情形奏對甚晰明年轉左

命往盛京會議鹽務還奏

盛京新舊官兵及百姓呈訴未設鹽商之前食鹽每斤
不過三四文自設商納課以來每斤至十餘文又鹽
鋪俱設府州縣城貧民自屯莊往買有誤農桑且路
遠多費因傳聞鹽商等據稱鹽課勉強應納價值斷
難減少臣思官兵皆賴田禾爲生地方百姓又係安

捕招流徙之人盡屬窮苦而吉林甯古塔居人與
新滿洲及邊外蒙古並遠來買食自康熙十八年招
募商人准行鹽引一萬三千七百七十四道征課銀
六千五百二十三兩十九年加增鹽引三千一百道
征課銀一千四百六十八兩在官征課無幾食鹽價
值倍增應停止鹽商辦課照舊聽有鍋之人煎鹽依
前賤價售賣不許豪強霸佔責令奉天將軍戶部侍
郎察禁下廷臣議從之東三省食鹽無課商紹而民
便自達都始也仁人之言其利溥豈不然哉遷吏部
左侍郎二十一年授左都御史其秋卒

賜祭葬如故事